

## Me pēhea au e whai i te tohu Whakauru Whare Wānanga (UE)?

Ko te UE te paearu matua hei tono ki te ako ki tētahi Whare Wānanga i Aotearoa. Kei a rātou kei ngā wānanga hoki ā rātou ake paearu mō ngā momo hōtaka nā reira me whai wā hoki koe ki te rangahau i ā rātou kōrero whakamārama.

Kia tutuki i ngā herenga o te Whakauru Whare Wānanga (UE) me mātua whai i te:

- NCEA Taumata 3
- Ngā marau e toru kei te Taumata 3 (neke atu rānei):
  - 14 whiwhinga kei ngā marau kua whakaaetia he marau UE
- Reo Matatini NCEA – 10 whiwhinga kei te Taumata 2 (neke atu rānei):
  - 5 whiwhinga mō te pānui
  - 5 whiwhinga mō te tuhituhi
- Ngā Tohu Tau NCEA – 10 whiwhinga kei te Taumata 1 (neke atu rānei).

Whakapā atu ki ō kaiako, ki te paetukutuku [www.nzqa.govt.nz/ue](http://www.nzqa.govt.nz/ue) rānei, mō ngā whakamārama katoa.

## Ka pēhea te whakamau i aku whiwhinga katoa?

Ka rārangihia nei ō whiwhinga katoa i raro i tō Tau Ākonga ā-Motu (NSN -National Student Number).

E taea e koe te tiro atu ki ō whiwhinga katoa mā te uru ki te paetukutuku, [www.nzqa.govt.nz/login](http://www.nzqa.govt.nz/login), ā, hei te Pipiri ka tuku atu ēnei tohutohu ki tō kura.


## Te tuku whakatau whakamutunga ki ngā Whare Wānanga me ngā Kuratini

Hei te Kohitātea 2020, ka tukuna atu e NZQA ngā whakatau o te Taumata 2, o te Taumata 3, me te Whakauru Whare Wānanga (UE) ki ngā whare wānanga katoa me ētahi o ngā kuratini. He mea akiaki noa i tā rātou pūnaha whakauru ākonga. Ki te kore koe e whakaae kia tuku atu ō whakatau ki ngā whare wānanga me ngā kuratini o te motu, **me mātua** whakamōhio atu i tō kura. Me rangahau i te paearu whakauru kei ngā ngā whare wānanga, ngā whare ako katoa.

Ki te hiahia ako koe ki tētahi whare wānanga ki tāwāhi, me whakapā atu koe ki a rātou ake mō ngā whakamārama whakauru ākonga. Kia mōhio mai, ka noho tūmata whānui ō whakatau katoa ki ngā whare wānanga o Ahitereiria. Ki te kore koe e whakaae kia tirohia ai ō whakatau e rātou, me mātua whakamōhio atu ki tō kura.

Whakapā atu ki tō kura, ki te paetuku nei - [www.nzqa.govt.nz/ncea](http://www.nzqa.govt.nz/ncea) mō ngā whakamahuki katoa

Kua herea ki te pānui nei te Wātaka Whakamātautau ā-Motu 2019. Tirohia koutou ko ō kaiako mēnā kei te pai te wātaka nei e ai ki ō whakamātautau katoa, ā, kāore he tukituki. Ki te tukituki t/etahi whakamātautau ka āwhina a NZQA me tō kura hoki i a koe.



**NZQA**  
NEW ZEALAND QUALIFICATIONS AUTHORITY  
MANA TOHU MĀTAURANGA O AOTEAROA

QUALIFY FOR THE FUTURE WORLD  
KIA NOHO TAKATŪ KI TŌ ĀMUA AO!

TE TIWHIKETE MĀTAURANGA  
Ā-MOTU (NCEA)  
TE HIRANGA O AOTEAROA

HE WHAKAMĀRAMA MŌ NGĀ ĀKONGA, NGĀ MĀTUA,  
NGĀ WHĀNAU ME NGĀ KAITIAKI 2019

## Kia ora

### Me pēhea au e whai i te NCEA, i a Te Hiranga (Karahipi o Aotearoa) rānei?

Hei te marama o Poutūterangi, ka tukuna mai ki a NZQA ngā kōrero whakauru NCEA katoa e tō kura. Koia hoki te wā ka uru mai koe hei ākonga mō NCEA, ā, me mātua whai i ngā ture me ngā tikanga NCEA. Mēnā kei te ako koe i ngā kōhi kei Te Aho o Te Kura Pounamu, kei tētahi Wānanga, kei tētahi Kuratini rānei, me whakamōhio atu ki tō kura kia rārangi tika nei ō whiwhinga katoa i tō tiwhikete 'Ngā Whiwhinga' (ROA - Record Of Achievement).

Whakapā mai ki te paetuku nei mō ngā whakamārama katoa [www.nzqa.govt.nz/ncea/ncea-results/](http://www.nzqa.govt.nz/ncea/ncea-results/).

### He aha kē te utu?

#### Ngā utu mō ngā ākonga nō Aotearoa

Te whakauru NCEA	\$76.70 ia ākonga
Te whakauru Te Hiranga	\$30.00 ia marau

#### Ngā utu mō ngā ākonga nō tāwāhi

Te whakauru NCEA	\$383.30 ia ākonga
Te whakauru Te Hiranga	\$102.20 ia marau

### Me pēhea au e whakautu ai?

- Tukuna atu ngā utu katoa ki tō kura. Ka mōhio kē ngā kura ki ngā tikanga katoa o te pūnaha whakautu o NCEA.
- Mā te whakautu i ō utu katoa, ka rārangihia nei ō whiwhinga me ō tohu katoa ki runga i tō tiwhikete 'Ngā Whiwhinga' (ROA).
- Ka tuku atu tō kura i ngā utu katoa ki a NZQA hei te 17 o Mahuru 2019.
- Ki te takaroa tāu whakautu i te kura, me kotahi atu tāu whakautu ki a NZQA. Ki te hipa atu i te rā 1 o Hakihea 2019 – ka tāpirihia e NZQA te \$50.00 hei utu i te tōmuritanga.

### He pūtea tautoko hei whakautu i ngā utu?

Me he ākonga nō Aotearoa koe, he nui tonu ngā pūtea tautoko e taea ai e ō mātua, ō kaitiaki rānei te tono atu engari me hāngai pū rātou ki tētahi o ngā paearu utu e whai nei:

- E whai utu ana i a Work and Income i a StudyLink rānei, ā, ka mau rānei i tētahi kāri 'Ratonga Hapori',
- Ko te nui o te whai utu o te whānau kei raro tonu ana, ā, kei te whānau hoki he kāri 'Ratonga Hapori',
- Tokorua, tokomaha rānei ngā tamariki o te whānau kotahi e whakautu ana i te \$200+ mō te NCEA.

### Me pēhea au e tono atu ai ki ngā pūtea tautoko?

Me whakakī pepa tono kia whiwhi ai i tētahi pūtea hei pikau i te taha utu. Kei tō kura kē tēnei pepa tono, kei te paetuku o NZQA rānei: [www.nzqa.govt.nz/financialassistance](http://www.nzqa.govt.nz/financialassistance)

Kāore e āhei ana ngā ākonga nō tāwāhi te tono pūtea tautoko.

### Me pēhea hoki ngā ākonga hauā e whai āwhina nei i ngā mahi aromatawai?

- Me he tamaiti hauā koe (ā-tinana, ā-hinengaro) ka whai āwhina tonu koe i ngā mahi aromatawai i a koe i te kura. Ko te Special Assessment Conditions (SAC) tēnei momo āwhina.
- Ki te hiahia āwhina koe, me tuku tono mai tō kura ki a NZQA kia whai mana ai.
- Ki te whai mana nei tō tono āwhina, mā tō kura koe e whakamōhio, e whakarite i ngā mahi katoa

### Ka taea e au te haere ki wāhi kē atu ki te noho whakamātautau ā-waho?

Me mātua kōrero ki tō kura me he tino take e whakahē ana i tō noho ki āu whakamātautau **katoa** ki te taiwhanga whakamātautau kua tohua mō te kura. Mā tō kura anō e whakapā mai ki a NZQA hei rangahau i te otinga.

### Te whai NCEA Taumata 1, 2, 3

NCEA Taumata	Ngā Paearu
<b>NCEA Taumata 1</b>	Me 80 whiwhinga kei ngā taumata e hiahia ana, engari me 10 whiwhinga mō te reo matatini, me 10 whiwhinga anō hoki mō ngā tohu tau i te taumata 1.
<b>NCEA Taumata 2</b>	Me 60 whiwhinga kei te taumata 2 (neke atu rānei) me te 20 whiwhinga kei taumata kē atu Kua tutuki hoki ngā herenga mō te reo matatini me ngā tohu tau i te taumata 1.
<b>NCEA Taumata 3</b>	Me 60 whiwhinga kei te taumata 3 (neke atu rānei) me te 20 whiwhinga kei te taumata 2 (neke atu rānei) Mai i te tau 2014, me tutuki hoki ngā herenga mō te reo matatini me ngā tohu tau i te taumata 1

Me he pātai anō āu mō te reo matatini me ngā tohu tau, me korero atu ki tō kura.